

## Script of Morning Gojri News Bulletin 10August

2025 at 1015Hrs

مارننگ گو جری نیوز بلیٹن مورخہ 10 اگست

2025

یوہ آکا شوانی جموں ہے محمد امین انجم

تیں خبر سُنو۔

### PM Vande Bharat

وزیر اعظم نریندر مو دی اج ورچول طریقہ نال پنجاب امرتسر تیں شری ماتا ویشنو دیوی کٹر ایشکار وندے بھارت ریل گڈی نانہ جھنڈی دس غے روانہ کریں گا۔ وندے بھارت ریل گڈی 26406 شری ماتا ویشنو دیوی کٹر جد کہ 26405 امرتسر تیں شری ماتا ویشنو دیوی کٹر غے ایشکار ہفتہ گا 6 تہاڑے منگلوار نانہ چھوڑ غے چلے گی۔ مقامی لوکاں نے اس کوشش غی تعریف کی ہے تے کہیو ہے جے اس نال سیاحت نانہ باہدو ملن غے نال نال ویلو بچے گو نالے مسافر آرام دہ سفر کر سکیں گا۔

-----

### PM Kashmir

وزیر اعظم نریندر مو دی نے پہلی مال بردار ریل گڈی وادی کشمیر پُجن ور اُس غی تعریف کی ہے۔ اُنہاں نے اس قدم نانہ خطہ غا قومی مال بردار نیٹ ورک نال رابطہ با رے اک اہم سنگ میل قرار دتو۔ مرکزی وزیر ریلو اشونی ویشنو غی طرفوں اک سوشل میڈیا پوسٹ ور رد عمل ظاہر کرتاں واں وزیر اعظم نریندر مو دی نے کہیو ہے جموں کشمیر مانہ صنعت تے رابطہ غا سلسلہ مانہ یوہ اک عظیم دن ہے، تے اس طرح ترقی تے خوشحالی دوئے بدھیں گیں۔ افتتاحی دوڑ مانہ 18 گھنٹاں غے اندر اس مال بردار ریل گڈی نے 6 سو کلو غو سفر طے کیو۔ اس سنگ میل غی مدد نال ہون وادی کشمیر پوری طرح نال بھارتی ریلویز غا مال بردار گڈیاں آلی گزر گاہ نال جڑ گئی ہے۔

-----

### LG Sinha

لیفٹنٹ گورنر منوج سنہا نے کہیو ہے جے جموں کشمیر امن، استحکام تے ترقی غا اک نواں دور مانہ داخل ہو گیو ہے۔ اک نجی میڈیا چینل نال ایکن انٹرویو مانہ لیفٹنٹ گورنر نے جموں کشمیر مانہ بنیادی ڈھانچہ معیشت تے سیاست تے لوکاں غی زندگیں تبدیل کرن مانہ تیز پیش رفت اُجاگر کی۔ شری امرناتھ یا ترا بارے یا تریاں غی تعریف کرتاں واں موصوف نے کہیو ہے ویں سیاحت غا اصل سفیر ہیں، تے اُن غو سفر ثقافتی اور سماجی اتحاد مضبوط کرے۔ اُنہاں نے اوپریشن مہا دیو غی کامیابی غی تعریف کی، جس مانہ پہلگام حملہ مانہ ملوث 3 دہشت گرد مار مکایا گیا۔ لیفٹنٹ گورنر نے کہیو ہے اس فیصلہ کُن کاروائی نے اک تگڑو پیغام ٹوریو ہے جے یوٹی مانہ دہشت گردی برداش

نہیں کی جائے گی ، تے انتظامیہ امن خوشحالی تے تمام شہریاں واسطے بروبر موقعان  
غا سلسلہ مانہہ کم جاری رکھے گی۔

-----

### Kishtwar Encounter

اج سویرے کشتواڑ مانہہ اک تصادم شروع ہو گیو۔ اک سماجی ذرائع ابلاغ پوسٹ مانہہ  
وائٹ نائٹ کو ر نے جانکاری دتی ہے جے ٹاکرا مانہہ گولی باری غو تبادلہ ہوئو تے  
اس طرح کا روائی اجوں چل رہی ہے۔ کیونجے حفاظتی دستہ خطرہ نانہہ ختم کرن  
واسطے کم کر رہیا ہیں۔ اس سلسلہ مانہہ مزید تفصیل غی اڑیک ہے۔

-----

### Kishtwar Raids

دہشت گردان غے خلاف اک بڑی تے سخت کا روائی جموں کشمیر پولیس نے  
کشتواڑ مانہہ بکھ بکھ جگہیں اچانک چھاپہ ماریا یہ چھاپا پاکستان تے پاکستانی قبضہ آلا  
جموں کشمیر تیں کم کر رہیا سرگرم دہشت گردان نال رابطہ غا سلسلہ مانہہ ماریا گیا۔ اس  
سلسلہ مانہہ ایس ایس پی کشتواڑ نریش کمار غی ہدایت ور عمل کرتاں وان کشتواڑ پھر مانہہ  
چھاپہ ماریا گیا۔ جن علاقان مانہہ یاہ کا رتوائی انجام دتی گئی اُن مانہہ چھاپہ ترو، دچھن  
تے اتھولی علاقہ شامل ہیں۔ ان چھاپاں غے دوران چپھن آلیں جگہ تے دہشت گردان  
نال جڑیا احاطان نانہہ نشانو بنایو گیو ، جس غو مقصد مقامی لوکاں غی حمایت نانہہ روکنو  
ہے۔

-----

### Paper Less

جموں کشمیر کاغذ غا استعمال غے بغیر انتظامیہ حاصل کرن واسطے تیار ہے۔ اس  
سلسلہ مانہہ چیف سیکریٹری اٹل ڈلو نے برقیات دفتر غا رول آئوٹ دفتر 2.0 غو تحصیل  
سطح ور جائزولیو۔ جس مانہہ یوٹی غی تمام 2 سو 7 تحصیل شامل کی گئیں۔

-----

### Swachh Jammu

صوبائی کمشنر جموں رامیش کمار نے سوچہ جموں دوڑ 2025 نانہہ با ہو پلازہ تیں  
جھنڈی دس غے روانہ کیو۔ یاہ دوڑ جموں میونسپل کا ریو ریشن غی طرفوں "ہر گھر  
ترنگا" ابھیان غے تحت منعقد کی گئی۔ اس پروگرام مانہہ ہر عمر غا لوکاں غی پُر جوش  
حصے داری دیکھی گئی ، تے اس طرح پروگرام مانہہ اسکولی بچاں غی خصوصی  
موجودگی نے دوڑ مانہہ طاقت تے حُب الوطنی مانہہ بابدو کیو۔ اس شروعات غو مقصد  
صاف صفائی شہری ذمہ داری تے قومی فخر نانہہ بابدو دینو ہے۔ پروگرام نے برادری  
غی روح نانہہ اُجاگر کیو تے صاف اور ہرا بھرا جموں واسطے مل جل غے کوشش  
کرن ور زور پایو۔

-----

### Ramban

نوجوان خدمات تے کھیڈاں غا محکمہ نے رام بن مانہہ لڑکاں تے لڑکیاں غی بکھ بکھ  
عمر غا زمران مانہہ مقابلہ شروع کیا ہیں۔ اس سلسلہ مانہہ ضلع غا تمام 6 زوناں تیں  
طالب علم سرگرمی نال حصو لے رہیا ہیں۔

-----

## Har Ghar Tiranga

ضلع انتظامیہ ریا سی غی طرفوں ہر گھر ترنگا مہم 2025 منعقد کی ۔ اس سلسلہ مانہہ ترنگا جھنڈا غو نال اسکولوں ، کالجاں ، میونسپل وارڈاں تے پنچائیتاں مانہہ مظاہرو کیو گیو ۔ اس کا روائی غا نتیجہ مانہہ اک بھارت سریشٹھ بھارت غی روح غی عکا سی ہوئی۔

اس غے نال ہی خبراں غو یوہ بلیٹن ختم ہوؤ۔